



«Магарамдхуьруьн район» МР-дин
общественно-политический газет.
Общественно-политическая газета
МР «Магарамкентский район».

ГОЛОС САМУРА

Газет 1951- йисалай акъатзава. № 1 (8330) хемис, 1- январь, 2025- йис. Къимет 6 манат.

САМУРДИН

ССС



Цийи йисан тебрик

ЭФЕНДИЕВ Нариман Ражиidinович,
Глава администрации
МР «Магарамкентский район».

ГЪУЪРМЕТЛУ районгълияр! Ингъе, чна мад са йис тарихдиз рекъе хтуна ва Цийи 2026-йис хушвилелди къабулнава.

2025- йис чна экономикадинни яшайишдин жигъетдай вилик финалди, агъалийрин дулана-жагъдин шартлар хъсанаруналди лишанлу авуна.

Чна йисан къене тухванвай кваллахрин деллрай аквазвайвал, чи район экономикадинни яшайишдин рекъяй пакагъан йикъахъ инанмиш яз, йис-йисандавай еришар егинариз, не-тижар хъсанариз виликди физва. Ида чак са клусни архайинвал ва дамах кутазвач. Вилик аквазнавай везифайри чун вири къуватар желб авуниз, вири мумкинвилер кардик кутуниз мажбурзава.

Райондин сергъятар, кваллахрин къадарар, вилик аквазнавай везифаяр, иллаки агъалийрин игътияжар лап екебур я. За зи вилик газетдин суварин нумрада Райадминистрацияди авур кваллахдин гъахъ-гъисаб авунин везифа эцигнавачир. Йисан къене авунвай кваллахрин къадарни тлимил туш, вилик аквазнавай месэлайрин къадарни лап гзаф я. Абурун гъакъиндай, чун гележегда гегъеншдиз рахада.

Цийи йисан сувар им неинки хъсан умудрин ва гуъзлемишзавай шад хабаррин вахт, гъак! цийи крарик къил кутазвай легъзени я. Гъавилай, чна и сувар михъи гъиссер ва члехи умудар аваз къаршиламишни авунва. Адавай хъсанвилихъ де-гишвилер гуъзлемишзава.

Къуй, 2026- йис вири районгълияр патал агалкъунринди ва бегъерлу кваллахринди, шад хабарринди хъурай. Къуй, куь эрзиман мурадар ва умудар къилиз акъатрай, куь хъсан фикирар ва планар уьмуьрдиз кечирмиш хъурай!

Къуй, квехъ мягкем сагъвал, ислягъвал, бахтар ва хушбахтвал хъурай!



ЙИСАН МАЛИМ – 2026

ДЕКАБРДИН вацра, Магъ-
армдхуъруън районда «Йисан
малим– 2026» лишандик кваз
кыле фейи республикадин кон-

зурвал, пешедиз вафалувал кьа-
лурна.

Конкурсдин муниципальный
этапдин нетижада С.Э.Гуммето-

Къуйсунрин ва Оружбайрин
хуърер) 3- чкайриз лайихлу хьа-
на.

Кылди номинацийрай: Р.А.
Алхасова (Хужакъазмайрин
хуър), П.Р. Гьамзатова



курсдин муниципальный этап-
дин нетижаяр кьуна.

Къызгъиндиз кыле фейи
акъажунра малимри, чпин ала-
къунар, райондин образование
вилик тухунин крада хъсан гьа-

ва (Цийихуър) 1- чкадиз,
М.Д.Хадиевани Ф.В.Аливердие-
ва (Филерин ва Буткъазмайрин
хуърер) 2- чкайриз, В.Т.Рустам-
ханова, С.Г.Мехтиханова,
Ф.З.Абдулхаликьова (Советск,

(Кьаплиркъазмайрин хуър), Г.И.
Тарикъулиева (Хтункъазмайрин
хуър), В.Н.Абдуселимова
(Хъартаскъазмайрин хуър) на-
градайриз лайихлу хьана.

ЧИ КОРР.





*Къезва, къезва Цийи йис чаз,
Аяз буба балкландал алаз.
Лацу бармак килел алаз,
Цийи йисан савкъатар гваз.*

*Къуй Цийи йис виклегъ хъуй,
Балклан хъиз вуч зирек хъуй.
Цийи йисан хабарар гваз,
Зиринг балклан мугъман я чаз.*

*Чи халкъарин мурад я,
Дуствал хъунухъ арада.
Ислягъвили агъавал,
Ийидайвал дуъньяда.*

ХЪСАН НЕТИЖАЯР ХЪАНВА

Гъар йисан эхирда нетижа-
яр къун адетдин кардиз элкъ-
венва. Райондин экономика
вилик тухунин карда важиблу
роль къугъвазвайбурукай сад,
хуъруьн майишатдин хел я.
Иниз килигна, чи корреспон-
дент Афисат Айдемирова
МР- дин « Хуъруьн майишат-
дин отдел» МКУ- дин дирек-
тор Артур Гъажиевахъ галаз
гуъруьшмиш хъана ва адаз са
шумуд суал гана.

- Артур Мурадович, рай-
ондин экономика вилик ту-
хунин карда важиблу роль
къугъвазвайбурукай сад
хуъруьн майишатдин хел я.
2025- йис Магъарамдхуъруьн
райондин хуъруьн майишат-
дин хел патал гъихътинди
хъана?

- 2025- йис санлай къачур-
ла чна хъсан нетижаяр аваз
акъалтарнава. Районда багъ-
манчивилин хел вилик тухуниз
рехъ гузвай са жерге проектар
кардик ква. И йисуз районда
хъсан бегъерар вахчунвай
культурайрикай сад уьзуьмар
я. Месела, 2025- йисуз
кватнавай уьзуьмрин къадар
2024- йисав геъкигайла, къве
сеферда артух хъанва. Яни,
вири санлай 18 агъзур тонни
243 килограмм уьзуьмар
кватнава. Районда помидорар
ва афнаяр цазвай чуьллерин
къадар артухарнава. Къенин
юкъуз, 7 гектар чилел и майвай-
рин парникар кутунва. И карди
чаз жуван ва къунши районар
майвайрал таъминардай мум-
кинвал гуда. Проектдин сергъ-
ятра аваз, карчи Фейзудин Иб-
рагъимова 7,5 гектар чилел
емишрин къелемлухар кутун-
ва, абурукай 1 гектар тлурар
гузвай емишрин къелемриз

ХЪСАН НЕТИЖАЯР ХЪАНВА

3 ←

чара авунва. Къенин юкъуз и майишатди 120 агъзурдав агакна хъсан еридин цадай къелемар гъазурнава. 2026-йисуз цазвай къелемрин къа-дар 300 агъзурдав агакъярун пландик ква. Ф. Ибрагъимован майишатда мад са проек-тин сергъятра аваз, 8,5 гек-тар чилел интенсивный багъ-лар кутунва. Яни, са гек-тарда къалин-даказ 3500-дав агакна ичерин къеле-мар канва. И карди бегъер-лувал хкаж-да, гъасилза-вай продукци-ядин ери хъсанарда ва-ре-ги-он-да багъманчиви-лел гъалтайт-ла, районди къунвай рехъ мягъкемарда.

-Амай хилера гъихътин нетижаяр ава?

Акъялтнавай йисуз 7 гек-тар чилел шуъмягъар канва. Чахъ районда 150 гектар кiereцар канввай багъларни ава. Инал жезвай бегъерри-лай гъейри, хейлин агъалийриз кивалахдай чкаярни жезва. Гъакни, и йисуз районда, 600 гектар чилел Европада теш-пигъ авачир хътин чуъхверрин багъ кутунва. Кардик акатна-вай пуд майишатда балугъар туьретмишзава.

Гужлу проектрин сергъятра аваз, ООО «ПОШ» карханади 80 агъзур банка

шутлмарнавай емишар ва майваяр гъазурна.

«Сад» тivar алай КФХ- да инвестициярин зурба проект тамамарунин мураддалди, 20 камерадикай ибарат тир, гъар са камерада 250 тонндив агакна ва вири санлай 5 агъ-зур тонндив агакна емишар хуьдай гъамбархана эцигуни-в эгечинава. Кивалахрин сад ла-



гъай этап акъялтарнава. Алукъзавай 2026- йисан эхир-да къвед лагъай этапдик кваз, 5000 тонндив агакна емишар хуьз жедай са гъамбархана мад эцигна тамамвилелди акъялтарун фикирдик ква.

-Дагъустанда Магъарам-дхуьруьн райондиз «куьлуь емишрин хазина» лугъузва. И жигъетдай квевай вуч лугъуз жеда?

-Чи райондин хуьруьн майишатда куьлуь емишар цунин хел йигин камаралди вилик физва. Районда 20 гектарди-лай виниз чуьлда некийар цаз-ва. И карди агросекторриз ва чкадин экономикадиз еке умудар кутаз жедай рекъер ачух-

зава. Чехи майишатрикай сад тир «Гранит и К» СПК- да 15 гектар некийрик ква. И майи-шатда некийрин «Альба», «Клери», «Азия», «Плюс», «Си-рия» ва са жерге маса жинсер битмишарзава. Алай йисуз, са гектардай 8 тонндив агакна бегъер къачунва. Члугур зегъ-метдин ва тleбиатдин къулай шартларин нетижада хъанвай бегъерар пучвал авачиз киватина.

-Эхиримжи йисара чи рай-он хуьруьн майишатдин продукция гъа-силунин рекъ-яй кивенклевечи жергейра ава. И кардиз куьне гъихътин къи-мет гузва?

-Гъелбетда, районда са жер-ге проектар та-

мамруни, инвестицияр желб авуни, райондин экономика хкаждай, хъсан еридин про-дукция гъасилдай, кардик ква-чирбуруз кивалахдай чкаяр ийидай мумкинвилер гузва.

Вири санлай къачурла, 2025- йис хъсан нетижаяр аваз акъялтарнава. Им сифте ну-батда райондин руководство-дин, аграрийрин, къайгъудар-вилини ва зегъметдин нетижа я. Чна умудзава, идалай къу-лухъни чи район региондин кивенклевечи жергейра жеда ла-гъана.

МР- дин «Хуьруьн майи-шатдин отдел» МКУ-дин директор Артур ГЪАЖИЕВ.

БЮДЖЕТ ТЕСТИКЪАРНА

2025- ЙИСАН 26- декабр-диз райондин Собраниедин сессия къиле фена. Сессия

райондин депутатрин Со-браниедин председатель Н. Алиярова тухвана.

Анал Магъарамдхуьруьн район» МР-дин 2026- йисан ва 2027-2028- йисарин плано-вый девирдин бюджет тести-къярна.

-2025- йисуз районда спортдин рекъай 148 мярекат кыле тухвана. Абурукай 3 зонайрин акъажунар, 1 Дагъустандин Первенство, 2 республикадин турнирар, райондин 10 чемпионат ва са жерге маса акъажунар кыле фена. Иник, дзюдо, азаддиз кършахар кьунар, армреслинг, залан атлетика, баскетбол, волейбол, футбол ва са жерге маса акъажунар акатзава.

Алатай йисуз 11 спортсменди спортдин мастервилизи кандидатвили нормативар ацурна ва 948 касди гьар жуьре разрядар кьачуна. Акъалтнавай йисуз, чи тербиячи Аким Гьамзатов армреслингдай кьвед лагъай сеферда «Дуьньядин чемпион» тиварциз лайихлу хъана. Акахънавай единоборстойрай чи тербиячи Шалбуз Эседуллаев «Open FC» пешекарвилини лигада гъалибчи хъана. Ругуд сеферда тухвай куклунра вичин алакьунар ва хъсан гъазурвал кьалурай Шалбуза тамамвилелди гъалибвал кьазанмишна чемпионвилини тивар тистикъарна. Женгинин самободай Уфа шегьерда кыле феи Россиядин чемпионатда, чи районгъли Назим Саидов гимишдин медалдин сагъиб хъана. Рикел хкин: 2021-йисуз Францияда дзюдодай кыле феи дуьньядин чемпионатда Назим акъалтлай гъалибчи яз экъечина дуьньядин



2025 – ЙИС КУЪН ПАТАЛДИ ГЫХЪТИНДИ ХЪАНА?

чемпион дережа кьазанмишна. Гьакіни, дзюдодай са жерге агалкьунар авай чи тербиячи Рамин Баязова Европада кубокдин акъажунра иштиракна ва 2- чкадиз лайихлу хъана. Рамин Россиядин хъянавай командадин член я. Им, гьелбетда, сифте нубатда спортсменри чпин, ахпа тренерин дурумлу зегьметдин нетижаяр я. Къейд ийиз жедай са агалкьун мад ава. Райцентрадал алай коррекционный школа- интернатдин футбол-

дин командади республикада 2- чка кьуна.

Районда спорт вилик тухун, жегьилрин фикир уьмуьрдин сагълам образ тухунал желб авун, акъалтзавай несил ватан-пересвилини гьиссерал тербияламишун чи гьар йикъан везифайрик акатзава.

Эльбурис Шагьвеледов, «Магьарамдхуьруьн район» МР-дин «Физический культурадин ва спортдин рекъай отдел» МКУ-дин начальник.



Камаллу гьадисар

*Эхирдай жаваб гана кландайди чиз-чиз, члуру рекъе гьатна кьазанмишзавайдал зун аламат жезва.

* Масадалай гьил кьачуз алакьдайбур Аллагъ-Тааладиз багъа я.

* Къени кылих авай касдиз и дуьньядани бахт жегъида, атла дуьньядани.

* Рикле авай члуру ниятдилай гьил кьачуда, эгер ам мецелай алатнавачтла, кардиз элкьвенвачтла.

* Тарифрал рикл хъуни инсан буьркьуьни ийида, бишини.

* Эгер архайинвал, рикл чкадал хъун цлуд паюниз пагъайтла, абурукай клуьд пай кисуни, сивай артухан гаф акъуд тавуни гуда.



2025 – йис куьн ПАТАЛДИ ГЫХЪТИНДИ ХЪАНА?



-ЭХИРИМЖИ йисара чи республика туристар еке интерес ийизвай региондиз элкъвенва. Иниз килигна, чи райондиз къвезвай туристрин къадарни йис- йисандавай артух жезва. Къвезвай мугъманри, Советск хуьре авай райондин тарихдихъ галаз танишарзавай музейдиз, райондин набататрин ва гъайванрин алемдихъ галаз танишарзавай «Визит центр-диз», Россияда авай тарал аруш жедай сарамшух хътин набататрин, субтропикрин Самурдин там ва и тамун абур тир 800 йис хъанвай гъяркъуь пацар хътин пешер алай зурба тарциз (платан) еке интерес ийизва. Чи региондай, райондай хъфей туристри, чи тлебиатдин гурчегвилериз, атанвай мугъманриз гъуьрмет авуниз еке кьимет гузва.

Чи отделди «Сад лагъай-бур» гъерекатдин векилрихъ ва «Победа 80» лишандик квай волонтеррихъ галаз районда кьиле тухузвай вири мярекатар иштиракзава. Ала-

тай йисуз, чи отдел «Добровольчество» лишандик кваз кьиле фейи республикадин конкурсда 2- чкадиз лайихлу хъана. «Сад-вилини юкьуз» Ярагъкъазмайрин юкьван школада Дагъустандин пайдах ачухна. «Конституциядин юкьуз», «Яшлу инсанрин юкьуз», «Терроризмдихъ галаз женг тухузвай югъ» лишандик кваз са жерге мярекатар, акцияр тухвана.

Алукънавай Цийи йисан вилик, райондин руководстводин тварунихъай СВО- дин иштиракчийрин аялриз пишкешар багъишна. «Жегъилприн йикъаз» талукъарна еке концерт тешкиллувилелди кьиле тухвана.

Чи отделди, районда туризм вилик тухунихъ, акъалтзавай не-сил ватанпересвилин гьиссерал

алаз тербияламишунихъ, акъалтзавай несилдин фикир хъсан крадал желб авунихъ, бажарагъ авай жегъилприн фикирриз къуват гунихъ ва райондин руководстводи чи вилик эцигнавай план тамамарунихъ элкъуьрнавай кваллах тухузва.

Мумкинвилерикай менфят къачуна заз, вири районгъ-лийриз алукънавай 2026- йис мубаракиз кланзава. Къуй, дуьньяда ислягъвал, квалера, хизанра шадвилер ва берекатар хъурай!

Фарид БЕЙБУТОВ,

«Магъарамдхуьруьн район» МР- дин «Жегъилприн кра-рин ва туризмдин рекъай отдел» МКУ-дин директор

ГЪАР са мярекатда инсанри тостар лугъудайла, сифте-ни- сифте мягкем сагъламвал хъурай лугъуда. Им тлебии карни я. Сагъсуз инсандиз уьмуьрди са дадни, са кефни гудач. Ада вич дуьньядин вири няметрикай магърум хъанвай-

ПАША ДУХТУР

ди хъиз гьиссда. Алай девирда жуьреба- жуьре азарлуйрин къадар, гъайиф хьи, къвердавай гзаф жезва.

Гъар са азарлудани вич пеше

дериндай чидай, мергъаметлу, регъимлу духтурдал ацалтуникай фикирда. Гъелбетда, духтурарни жуьреба- жуьре я. Садбуру, азарлудахъ бегъем ябни акал тавуна, багъа тир дарманар кхъена, абурни вичиз

➔ 8



«упрощёнка»

Производственный календарь на 2026 год

Январь						
Пн	Вт	Ср	Чт	Пт	Сб	Вс
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

Февраль						
Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	

Март						
Пн	Вт	Ср	Чт	Пт	Сб	Вс
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

Апрель						
Пн	Вт	Ср	Чт	Пт	Сб	Вс
		1	2	3	4	5
16	6	7	8	9	10	11
16	13	14	15	16	17	18
17	20	21	22	23	24	25
18	27	28	29	30*		

Май						
Пн	Вт	Ср	Чт	Пт	Сб	Вс
				1	2	3
4	5	6	7	8*	9	10
11	12	13	14	15	16	17
18	19	20	21	22	23	24
25	26	27	28	29	30	31

Июнь							
	Пн	Вт	Ср	Чт	Пт	Сб	Вс
23	1	2	3	4	5	6	7
24	8	9	10	11*	12	13	14
25	15	16	17	18	19	20	21
26	22	23	24	25	26	27	28
27	29	30					

Июль						
Пн	Вт	Ср	Чт	Пт	Сб	Вс
		1	2	3	4	5
28	6	7	8	9	10	11
29	13	14	15	16	17	18
30	20	21	22	23	24	25
31	27	28	29	30	31	

Август						
Пн	Вт	Ср	Чт	Пт	Сб	Вс
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

Сентябрь							
	Пн	Вт	Ср	Чт	Пт	Сб	Вс
		1	2	3	4	5	6
37	7	8	9	10	11	12	13
38	14	15	16	17	18	19	20
39	21	22	23	24	25	26	27
40	28	29	30				

Октябрь						
Пн	Вт	Ср	Чт	Пт	Сб	Вс
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

Ноябрь						
Пн	Вт	Ср	Чт	Пт	Сб	Вс
						1
2	3*	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

Декабрь						
Пн	Вт	Ср	Чт	Пт	Сб	Вс
	1	2	3	4	5	6
50	7	8	9	10	11	12
51	14	15	16	17	18	19
52	21	22	23	24	25	26
53	28	29	30	31		

9

Праздничные дни

3*

Сокращенный день

13

Выходные

52 Номер недели



6

талукъ тир са аптекадай къачу лагъана рахкурда. Масадбуру азарлудан дердиникай хабар къада, адахъ дикъетдивди яб акалда, азар сагъриз жедайдахъ инанмишарда. Хъсан духтурдин ихътин келимайри азарлудак руьгъ кутада.


Къенин зи суьгъбет, гъа ихътин духтурдикай сад тир травматолог- ортопед Баламетов Паша Баламетовичакай я.

Паша духтур 1993-йисуз Ахцегъ райондин Цийи-Усурар хуьре, квалеле гзаф гъуьрмет авай Баламетан хизанда дидедиз хъана. Адан буба ва диде зегъметдал рикъ алай лап къени инсанар я. Абуру чпин веледар зегъметдал рикъ алаз, члехи-гъвечли чидайбур, обществодиз вафалубур яз тербияламишна гъар сад са пешедин иеси жедайвал авуна. Хуьруьн школа лап хъсандиз клелна акъалтларай Паша духтур 2010-йисуз Саратовдин гъукуматдин В.И. Разумовскийдин тиварунихъ галай медицинадин университетдик экечлна. 2016-йисуз лечебный факультет дерин чирвилер аваз акъалтларна. Ахпа вичин чирвилер мадни хъсанарун патал, Паша духтурди ардинатурани акъалтларна.

2018-йисалай духтурвилин диплом гъиле авай жегил духтур вичин зегъметдин рехъ сифте яз ГБУ РД Магъарамд-

ПАША ДУХТУР

хуьруьн ЦРБ-да травматолог ва ортопед яз башламишна. Кваллахзавай вахтунда Паша духтурдин къилив къевезвай на-



чагъбуруз адакай еке куьмек хъана, рази яз хъфизва. Чна сугъбет ийизвай вахтундани са буба вичин аял гваз атай вахтунда Паша духтур тадиз къарагъна гъил тлар хъанвай аял-диз тади куьмек гуз алахъна. Са сеферда зун Дербент шегъердиз митлер тлаз фейи вахтунда, заз гъанавай духтурди «Куьн Магъарамдхуьрай иниз вучиз къевезва, куь больницада лап хъсан травматолог-ортопед

Паша духтур ава хьи»- лагъанай. Гъайиф хьи, гъа вахтунда зун Паша духтурдихъ галаз таниш тушир. Галатун тийижиз кваллахзавай Паша духтурдин намуслу зегъметдиз, адалай рази тир ксари лайихлу къиметни гузва. Паша духтурди заз вичин зегъметдикай са гафни лагъаначлани, камаллу, марифатлу инсан алай чка гъар садаз аквада. Коллективда ва азарлуйрин арада адаз еке гъуьрмет ава. Паша духтурдин патав на-чагъбур кваллизни къевезва. Ада йиф-югъ талгъана абуруз виридаз куьмек гуз алахъзава. Паша духтур хъсан пешекар хъиз, вафалу уьмуьрдин юлдаш, къайгъудар бубани я. Ада 5 велед тербияламишзава.

Сагъ чан, гъелбетда, виридалайни еке девлет я. Гъайиф хьи, алай четин девирда ам виридаз жезвач. Садни кефсуз тахъурай! Хъайитлани, Паша духтур хътин кар чидайбурал, регъим авайбурал ацалтрай.

Къуй, Паша духтур хътин, вичин кваллахдин халис пешекар, амайбуруз чешне хъурай! Чаз чи «Самурдин сес» газетдин патай Паша духтурдиз алуькнавай Цийи йис мубарак ийиз кланзава. Паша духтур, квез кваллахдин рекъе мадни еке агалкъунар хъурай, хизанда бахт, берекат артух хъун чи мурад я.

ЖАННА.

Къилин редактордин чкадал
Р.Ж. МУРАДАЛИЕВ.

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Управлением Роскомнадзора по Республике Дагестан.

Чап ийиз вахкудай вахт - 16.00.
Чапун патал къул члугуна- 15.00.

Газетдин регистрацийн нумра- ПИ №ТУ05-00438

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги члал.

Индекс 63340. Тираж 1400
Заказ № .

6+